

神道大編歷宗通儀

神道大編曆宗通議卷第十

金元五曆叙

夫明時治曆自黃帝堯舜與三代之盛王莫不
重之其文備見於傳記矣雖去古既遠其法不
詳然原其要不過隨時考驗以合於天而已漢
劉歆作三統曆始立積年日法以為推步之準
後世因之歷唐而宋其更元改法者凡數十家
豈故相為乖異哉蓋天有不齊之運而曆為一

定之法所以既久而不能不差既差則不可不改元初承用金大明曆庚辰歲太宗西征五月望月蝕不效二月五月朔微月見於西南中書令耶律楚材以大明曆後天乃損節氣之分減周天之秒去交中之率治月轉之餘課兩曜之後先調五行之出沒以正大明曆之失且以中元庚午歲國兵南伐而天下畧定推上元庚子歲天正十一月壬戌朔子正冬至日月合璧

五星聯珠同會虛宿六度以太祖受命之符又
以西域中原地里殊遠創為里差以增損之雖
東西萬里不復差忒遂題其名曰西征庚午元
曆表上之然未及頒用至元四年西域札馬魯
丁撰進萬年曆世祖稍頒行之十三年平宋遂
詔中書左丞許衡太子贊善王恂都水少監郭
守敬改治新曆衡等以為金雖改曆止以宋紀
元曆微加增益是未嘗測驗於天乃與南北日

官陳鼎臣鄧元麟毛鵬翼劉巨淵王王素岳鉉
高敬等奏攷累代曆法後測候日月星辰消息
運行之變參別同異酌取中數以為曆本十七
年冬至曆成詔賜名曰授時曆十八年頒行天
下二十年詔太子諭德李謙為曆議發明新曆
順天求合之微攷證前代人為附會之失誠可
以貽之永久自古及今其驗之精蓋未有出於
此者也

授時議

驗氣議

天道運行如環無端治曆者必就陰消陽息之際以為立法之始陰陽消息之機何從而見之惟候其日晷進退則其機將無所遁候之之法不過直表測景以究其氣主之始智作能述前代諸人為法者備為能精思密索心與理會則前人述作之外未必無所增益舊法擇其平行

設雖準繩臺植表其中以度其中晷然表短促
尺寸之下所為分秒太半少之數未易分別表
長則分寸稍長所不便者景虛而淡難得寔景
前人欲就虛景之中攷求真寔或設望筒或置
小表或以木為規皆取表端日光下徹圭面今
以銅為表高三十六尺端挾以二龍舉一橫梁
下至圭面共四十尺是為八尺之表五圭表刺
為尺寸舊寸一今申而為五釐毫差易分別創

為景符以取寔景其制以銅葉博二寸長加博
之二中竅一穿若針芥然以方門為趺一端設
為機軸令可開慥摺其一端使其勢斜倚北高
南下往來遷就於虛景之中竅達日光僅如米
許隱然見橫梁於中舊法以表端測晷所得者
日體上邊之景今以橫梁取之寔得中景不容
有毫末之差地中八尺表景冬至長一丈三尺
有奇夏至尺有五寸今京師長表冬至之景七

夫九尺八寸有奇在八尺表則一丈五尺九寸
六分夏至之景一丈一尺七寸有奇在八尺表
則二尺三寸四分雖晷景長短所在不同而其
景長為冬至景短為夏至則一也惟是氣至時
刻攷求不易蓋至日氣正則一歲氣節從而正
矣劉宋祖冲之嘗取至前後二十三四日間晷
景折取其中定為冬至且以日差比課推定時
刻宋皇祐間周琮則取立冬立春二日之景以

為去至既遠日差頗多易為推攷紀元以後諸
曆為法加詳大抵不出冲之之法新曆積日象
月寔測中畧自遠日以及近日取前後日率相
持者叅攷同異初非偏取一二日之景以取數
多者為定是減大明曆一十九刻二十分

歲餘歲差議

周天之度周歲之日皆三百六十有五全策之
外又有奇分大率皆四分之一自今歲冬至距

來歲冬至曆三百六十五日而日行一周凡四
周曆千四百六十則餘一日折而四之則四分
之一也然天之分常有餘歲之分常不足其數
有不能齊者惟其所差主微前人初未覺知迨
漢末劉洪始覺冬至後天謂歲周餘分太強乃
作乾象曆減歲餘分二千五百為二千四百六
十二至晉虞喜宋何承天祖冲之謂歲當有差
因立歲差之法其法損歲餘益天周使歲餘浸

弱天周浸強強弱相減因得日躔歲退之差歲
餘天周二者寔相為用歲差由斯而立日躔由
斯而得一或損益失當詎能與天叶哉今自劉
宋大明壬寅以來凡測景驗氣得冬至時刻直
數者有六取相距積日時刻以相距之年除之
各得其時所用歲餘後自大明壬寅距至元戊
寅積日時刻以相距之年除之得每歲三百六
十五日二十四分二十五秒比大明曆減去一

十一秒定為方今所用歲餘餘七十五秒用益
所謂四分之一共為三百六十五度二千五分
七十五秒定為天周餘分強弱相減餘一分五
十秒用除全度得六十六年有奇日却一度以
六十六年除全度適得一分五十秒定為歲差
復以堯典中星攷之其時冬至日在女虛之交
及攷之前史漢元和二年冬至日在斗二十一
度晉太元九年退在斗十七度宋元嘉十年在

斗十四度末梁大同十年在斗十二度隋開皇
十八年猶在斗十二度唐開元十二年在斗九
度半今退在其十度取其距今之年距今之度
較之多者七十餘年少者不下五十年輒差一
度宋慶元間改統天曆取大衍歲差率八十二
年及開元所距之差五十五年折取其中得六
十七年為日却行一度之差施之今日實諸天
道寔為密近然古今曆法合於今必不能通於

古密於古必不能驗於今今授時曆以之攷古
則增歲餘而損歲差以之推來則增歲差而損
歲餘上推春秋以來冬至往往皆合下求方來
可以永久而無弊非止密於今日而已

日躔議

日之麗天縣象最著大明一生列宿俱熄古人
欲測躔度所在必以昏旦夜半中星衡考其所
距從考其所當然昏旦夜半時刻未易得真時
刻一差則所距所當不容無舛晉姜岌首以月
食行檢知日度所在紀元曆復以太白誌其相
距遠近於昏後明前驗定星度因得日躔今用
至元丁丑四月癸酉望月食既推求得冬至日

躔赤道箕宿十度黃道九度有奇仍自其年正月
至己卯歲終三年之間日測太陰所離宿次
及歲星太白相距度定驗考叅共得一百三十
四事皆躔箕宿適與月食所衝允合以金趙知
微所脩大明曆法推之冬至猶躔斗初度三十
六分六十四秒比新測寔差八十六分六十四
秒

日行盈縮議

日月之行有冬有夏言日月行度冬夏各不同
之人徒知日行一度一歲一周天曾不知盈縮
損益四序有不同者北齊張子信積候合蝕加
時覺日行有入氣差然損益未得其正趙道嚴
復準晷景長短定日行進退更造盈縮以求虧
食主劉焯立躔度與四序升降雖損益不同後
代祖述用之大陰陽往來馴積而變冬至日行

一度強出赤道二十四度弱自此日軌漸北積
八十八日九十一分當春分前三日交在赤道
寔行九十一度三十一分而適平自後其盈日
損復行九十三日七十一分當夏至之日入赤
道內二十四度弱寔行九十一度三十一分日
行一度弱向之盈分盡損而無餘自此日軌漸
南積九十三日七十一分當秋分後三日交在
赤道寔行九十一度三十一分而復平自後其

縮日損行八十八日九十一分出赤道外二十四度弱是行九十一度三十一分後當冬至向之縮分盡損而無餘盈縮均有損益初為益末為損自冬至以及春分春分以及夏至日躔自北陸轉而西而南於盈為益益極而損損至於無餘而縮自夏至以及秋分秋分以及冬至日躔自南陸轉而東而北於縮為益益極而損損至於無餘而後盈盈初縮末俱八十八日

九十一分而行一象縮初盈末俱九十三日七
十一分而行一象盈縮極差皆二度四十一分
由是測晷景而得仍以美術推考與所測自元
合

月行遲疾議

古曆謂月平行十三度十九分度之七漢耿壽
昌以為日月行三牽牛東井日過度月行十五
度至婁角始平行赤道使然賈逵以為今合朔
弦望月食加時所以不中者蓋不知月行遲疾
意李梵獲麟皆以月行當有遲疾不必在牽牛
東井婁角之間乃由行道有遠近出入所生劉
洪作乾象曆精思二十餘年始悟其理列為差

率以圓進退損益之數後之作曆者咸因之至
唐一行考九道委蛇曲折之數得月行疾徐之
理先儒謂月與五星皆近日而疾遠日而遲曆
家三法以八轉一周之日為遲疾二曆各立初
末截限初為益末為損在疾初遲末其行度率
過於平行遲初疾末率不及於平行自入轉初
日行十四度半強從是漸殺曆七日適及平行
度謂之疾初限其積度比平行餘五度四十二

分自是其疾日損又曆七日行十二度微強向
之益者盡損而無餘謂之疾末限自是復行遲
度又曆七日適及平行度謂之遲初限其積度
比平行不及五度四十二分自此其遲日損行
度漸增又曆七日復行十四度半強向之益者
亦損而無餘謂之遲末限入轉一周寔二十七
日五十五刻四十一分遲疾極差皆五度四十
二分舊曆日為一限皆用二十八限今定驗得

轉分進退時各不同今分日為十二共三百三
十六限半之為半周限折之為象限

白道交周議

當二極南北之中橫絡天體以紀宿度者赤道也出入赤道為日行之軌者黃道也所謂白道與黃道交貫月行之所由也古人隨方立名分為八行與黃道而九究而言之其實一也惟其隨交遷徙變動不居故強以方色名之月道出入日道而相交值當朔則日為月所掩當望則月為日所衝故皆有食然涉交有遠近食分有

深淺皆可以數推之所謂交周者月道出入日
道一周之日也日道距赤道之遠為度二十有
四月通月出入日道不踰六度其距赤道也遠
不過三十度近不下十八度出黃道外為陽入
黃道內為陰陰陽一周分為四象月當黃道外
正交出黃道外為半交復當黃道為中交入黃
道內六度為半交是為四象象別七日各行九
十一度四象周歷是謂一交之終以日計之得

二十七日二十一刻二十二分二十四秒每一
交退天一度二百分度之九十三凡二百四十
九交退天一周有奇終而復始正交在春正半
交出黃道外六度在赤道內十八度正交在秋
正半交出黃道外六度在赤道外三十度中交
在春正半交入黃道內六度在赤道內三十度
中交在秋正半交入黃道內六度在赤道外十
八度月道與赤道正交距春秋二正黃赤道正

交宿度東西不及十四度三分度之二夏至在
陰曆內冬至在陽曆外月道與赤道所差者多
夏至在陽曆外冬至在陰曆內月道與赤道所
差者少蓋白道二交有斜有直陰陽二曆有內
有外直者密而狹斜者疎而濶其差亦從而已
今立象置法求之差數多者不過三度五十分
少者不下一度三十分是為月道與赤道多少
之差

晝夜刻議

日出為晝日入為夜一周共有百刻以十二辰分之每辰得八刻三分刻之一無間南北所在皆同晝短則夜長夜短則晝長此自然之理也春秋二分日當赤道出入晝夜正等各五十刻自春分以及夏至日入赤道內去極浸近夜短而晝長自秋分以及冬至日出赤道外去極浸遠晝短而夜長以地中揆之長不過六十刻短

不過四十刻地中以南夏至去日出入之所為
遠其長有不及六十刻者冬至去日出入之所
為近其短有不止四十刻者地中以北夏至去
日出入之所為近其長有不止六十刻者冬至
去日出入之所為遠其短有不及四十刻者今
京師冬至日出辰初二刻日入申正二刻故晝
刻三十八夜刻六十二夏至日出寅正二刻日
入戌初二刻故晝刻六十二夜刻三十八蓋地

有南北極有高下日出入有早晏所以不同耳
今授時曆晝夜刻一以京師為正

交食議

曆法疏密驗在交食然推步之術難得其密推
演加時必本於躔離朧朧考求食分必本於距
交遠近苟入氣盈縮入轉遲疾未得其正則合
朔不失之先必失之後合朔失之先後則虧食
時刻其能密乎日月俱東行而日遲月疾月追

及日是為一會交值之道有陽曆陰曆交會之
期有中前中後加以地形南北東西之不同人
目高下邪直之各異此食分多寡理不得一者
也今合朔既正則加時無早晚之差氣刺適中
則食分無強弱之失推而上之自詩書春秋及
三國以來所載虧食無不食焉者往則行之悠
久自可無弊矣

定朔議

日平行一度月平行十三度十九分度之八一
晝夜之間月先日十二度有奇歷二十九日五
十三刻復追及日與之同度是謂經朔經朔云
者謂合朔大量不出此也日有盈縮月有遲疾
以盈縮遲疾之數損益之始為定朔古人立法
簡而未密訪用平朔一大一小故日食有在朔
二月食有在望前後者漢張衡以月行遲疾分

為九道宋何承天以日行盈縮推定小餘故月
有三大二小隋劉孝孫劉焯欲遵用其法時議
排抵以為迂怪率不能行唐傅仁均始採用之
至貞觀十九年九月後四月頻大復用平朔訖
麟德元年始用李淳風甲子元曆定朔之法遂
行淳風又以晦月頻見故立進朔之法謂朔日
小餘在日法四分之三已上者虛進一日後代
皆循用之然虞翻嘗曰朔在會同苟躔次既合

何疑於頻大日月相離何拘於間小一行亦曰
天事誠密雖四大三小庸何傷今但取辰集時
刻所在之日以爲定朔朔雖小餘在進限亦不
之進甚矣人之安於故習也初曆法用平朔止
知一大一小爲法之不可易初聞三大二小之
說皆不以爲然自有曆以來下訖麟德而定朔
始行四大三小理數自然唐人弗克居天而止
用平朔迨本朝至元而常議方革至如進朔之

意止歎避晦日月見殊不思合朔在酉戌亥距
前日之卯十八九辰矣若進一日則晦不見月
此論誠然苟合朔在辰申之間法不當進距前
日之卯已踰十四五度則月見於晦庸得免乎
且月之隱見奉天道之自然朔之進退出入為
之牽強孰若廢人用天不復虛進為得其實哉
至理所在奚恤乎人言可為知者道也

積年日法議

曆法之作所以步日月之躔離候氣朔之盈虛
不揆其端無以測知天道而與之脗合然日月
之行遲速不同氣朔之運參差不一昔人立法
必推求往古生數之始謂之演紀上元當斯之
際日月五星同度如合璧連珠然惟其世代綿
遠馴積其數至踰億萬後人厭其布算繁多互
相推考斷截其數而增損日法以爲得改憲之

術此歷代積年日法所以不能相同者也然行之未遠浸復差失蓋天道自然豈人為附會所能苟合哉夫七政運行於天進退自有常度苟原始要終候驗周匝則象數昭著有不容隱者又何必捨目前簡易之法而求億萬宏濶之術哉今授時曆以至元辛巳為元所用之數一本諸天秒而分分而刻刻而日皆以百為率比之化曆積年日法推演附會出於人為者為得自

然或曰昔人謂建曆之本必先立元元正然後
定日法法定然後度周天以定分至然則曆之
有積年月法尚矣自黃帝之來諸曆轉相祖述
殆七八十家未聞舍此而能成者今一切削去
無乃昧於本原而考求未得其方歟是殆不然
晉杜預有云治曆者當順天以求合非為合以
驗天前代演積之法不過為合驗天耳今以舊
曆頗疎乃命釐正法之不密在所必更奚暇踵

故習哉

古曆推步必先齊元元定則積年日法天度俱得然後立簡捷之算法以求之則推步之法成矣此太初以前之步曆所以甚簡也後世無法難齊則積年日法雖數踰億萬亦難定不如授時用截元而積年日法俱在所廢矣不用積年日法但是布算不整齊似堆垛耳與步曆無碍也愚謂當仍用古曆章節紀元之法以推算但

於數之多寡不同處另立一加減法以為之增損何如請有志者更詳之

授時曰積年曰日法此非古之所謂積年日法也

至元十七年郭守敬奏曰自黃帝遮日推策帝堯以閏月定四時成歲舜在璇璣玉衡以齊七政爰及三代曆無定法周秦之間閏餘乘次西漢造三統曆百二十年而後是非始定東漢造

四分曆七十餘年而儀式方備又百二十一年
劉洪造乾象曆始悟月行有遲速及魏黃初間
始以日食課其疎密及魏楊偉造景初曆始立
交食起虧術又百八十年姜岌造三紀甲子曆
始悟以月食衝檢日宿度所在又五十七年何
承天造元嘉曆始悟以朔望及弦皆定大小餘
及以晷影驗氣又六十五年祖冲之造大明曆
始悟太陽有歲差之數極星去不動處一度餘

又五十二年張子信始悟日月交道有表裏五星有遲疾留逆又三十三年張胄玄造大業曆始立五星入氣加減法及月應食不食術劉焯造皇極曆始悟日行有盈縮及立推黃道月道術又三十五年傅仁均造戊寅元曆頗採舊儀始用定朔又四十六年李淳風造麟德曆以古曆章部元首分度不齊始為總法用進朔以避晦晨月見又六十三年一行造大行曆始以朔

有四大三小定九服軌漏交食之異及創立歲
星差合術又九十四年徐昂宣明曆始悟日食
有時刻三差又七十二年邊岡崇玄曆始立相
減相乘法以求黃道又六十三年王朴欽天監
曆始變五星法遲留逆行舒亟有漸又九十八
年周琮造明天曆始悟日法積年自然之數又
三十八年姚舜輔造紀元曆始悟食甚泛餘差
數以上計千一百八十二年曆經七十改其創

法者十有三家自是又百七十四年聖朝專命
臣等改治新曆臣等用創造簡儀高表憑其測
到寒數所考正者凡七事

一曰冬至自丙子年立冬後依每日測到晷景
逐日取對冬至前後日差同者為準得丁丑年
冬至在戊戌日夜半後八刻半又定丁丑夏至
在庚子日夜半後七刻又定戊寅冬至在癸
卯日夜半後三十三刻已卯冬至在戊申日夜

半後五十七刻庚辰冬至在癸丑日夜半後八十一刻各減大明曆十八刻遠近相符前後應准

戴曰歲餘自劉宋大明曆以來凡測景驗氣得冬至時刻真數者有六用以相距各得其時合用歲餘今考驗四年相符仍自宋大明壬寅年距至今日八百一十年每歲合得三百六十五日二十四刻二十五分其二十五分爲今曆歲

餘合用之數

三曰日經用至元丁丑四月癸酉望日食既推
求日經得冬至躔赤道箕宿十度黃道箕九度
有奇仍憑每日測到太陽躔度或憑星測月或
憑月測日或徑憑星度測日立術推箕起自丁
丑正月至己卯十二月凡三年共得一百三十
四事皆躔於箕與月食相符

四曰月離自丁丑以來至今憑每日測到逐時

太陰行度推筭變從黃道求入轉極遲疾并平
行處前後凡十三轉計五十一事內除去不真
的外有三十事得大明曆入轉後天又因考驗
交食加大明曆三十刻與天道合

五曰入交自丁丑五月以來憑每日測到太陰
去極度數比擬黃道去極度得月道交於黃道
共得八事仍依日食法度推求皆有食分得入
交時刻與大明曆所差不多

六曰二十八宿距度自漢太初曆以來距度不
同互有損益大明曆則於度下餘分附以大半
少皆私意牽就未嘗實測其數今新儀皆細刻
周天度分每度為三十六分以距線代官窺宿
度餘分並依實測不以私意牽就
又曰日出入晝夜刻大明曆日出入晝夜刻皆
據汴京為準其刻數與大都不同今更以本方
北極出地高下黃道出入內外度立術推求每

日日出入晝夜刻得夏至極長日出寅正二刻
日入戌初二刻晝六十二刻夜三十八刻冬至
極短日出辰初二刻日入申正二刻晝三十八
刻夜六十二刻永為定式所創法凡五事

一曰太陽盈縮用四正定氣立為升降限依立
指差求得每日行分初末極差積度比古為尤
密

二曰月行遲疾古曆皆用二十八限今以萬分

日之八百二十分為一限凡折為三百三十六
限依垛疊招差求得轉分進退其遲疾度数逐
時不同蓋前所未有

三曰黃赤道差舊法以一百一度相減相乘今
依美術勾股弧矢方圓叙直所容求到度率積
差率與道天是胞合

四曰黃赤道內外度據累年定測內外極度二
十三廣九十分以圓容方直矢接勾股為法求

每日去極與所測相符

五曰白道交周舊法黃道變推白道以斜求斜
今用立渾天量得月與赤道正交距春秋二正
黃赤道正交一十四度六十六分擬以為法推
逐月每交二十八宿度分於理為盡

守敬奏進推步七卷立成二卷曆議擬藁三卷
轉神選擇二卷上中下三曆注式十二卷時候
箋注二卷修改源流一卷其測驗書有儀象法

式二卷二至畧景考二十卷五星細行考五十
卷古今交食考一卷新測二十八舍雜坐諸星
八宿去極一卷新測無名諸星一卷月離考一
卷並藏之官

古曆天周與歲周小餘同於日度四分之一漢
魏以來漸覺不齊遂有破分之說而立法未均
任意進退守敬乃以每百年為率小餘之下增
損各一以之上推往古下驗方來無不脗合且

自太初迄於大明名曆七十餘家其見施用於
世者四十有三類多寫分換母誇誑一時間有
剋出如宋元嘉唐大衍宋紀元不過三數然亦
未臻至當考驗天事始雖親密旋已不效守敬
所為曆測驗既精設法詳備去積年日法之拘
無寫分換母之陋今行三百餘年或有先後天
之差當修治也

神道大編論曆全書卷第十終

神道大編曆宗通議卷第十一

趙緣督十八篇論

革象論

天體之運有常度而無停機天非有體也因星之所附麗擬之爲天體之耳觀夫星之昏在東者及曉則西墜昏所不見者至曉則東升東西轉運有以驗天體之左旋矣然而北天之星未嘗入地終夜可見其旋轉爲甚窄窺之以管其

間一星旋轉尤密不出管中者曰紐星紐星所
在天體不動是爲北極若南天之星雖終夜不
常見而其旋轉亦不遠知爲南極之所在而南
極亦不動南北二極爲天體之管轄其猶門之
樞車之軸歟試以圓瓜譬之北極乃瓜頂聯蒂
之所南極乃瓜末含花之所天之東西最廣則
北瓜之腰圍北極高而南極下故北極之傍雖
旋轉而常在於天南極之側雖旋轉而不出於

地此又可驗地在天內天如鷄子地如內黃矣
然天體極圓鷄子乃取以為譬者非取其形之
小特以比天包地外而已以今譬之天體如鞠
內盛半水而浮板水上板譬則地也置物板上
鞠水外轉板豈常動乎

論赤道周圍

天體如圓瓜其分十二次猶瓜有十二瓣也周
天三百六十五度餘四之一均為十二分則一

辨為三十度四十三分七十五秒其度輻輳於
南北二極則度之形欹尖於瓜之兩端而開廣
於瓜之腰圓瓜腰一圈名曰赤道其度在赤道
者正得一度之廣去赤道則漸遠狹雖名一度
是不足度一也各度以二十八宿之距星紀數
謂之經度若以天體比之彈丸則東西南北相
距皆然東西方經則南北亦當分緯緯度皆以
北極相去遠近為數亦三百六十五度餘四之

一兩極相距一百八十二度六十二分五十秒
赤道橫分兩極與兩極相遠各九十一度三十
一分二十五秒天頂名嵩高北極偏於嵩高而
北五十五度有奇赤道則斜倚於嵩高之南三
十六度蓋北極既偏於嵩高之北南極既偏於
地中之南所以赤道必斜倚於南也雖曰斜倚
於南而其東西兩傍則固在卯酉之位矣

論黃道損益

子正玄枵中於虛七度赤道均分周天宿度十
二次以子中爲約而分之黃道宿度與赤道宿
度多寡不同而黃道各次宿度亦不等蓋由冬
夏二至之日黃道平迤於兩極其度欹狹每度
約得十之九春秋二分斜行赤道之交赤道所
在度既廣而又斜行每度爲十有一惟四立之
日度在酌中之處餘則以漸而廣狹矣今授時
曆冬至日躔箕宿故寅申度數最少己亥度數

最多餘則多寡稍近也

論日道歲差

日行不由赤道晝永在赤道北晝短在赤道南
其道別名黃道黃道赤道如兩環交差自冬至
為始言之日在赤道之南橫距赤道二十三度
九十分冬至後行漸近北及仲春則離冬至所
踰九十一度有奇而在赤道之交過交入赤道
北斜去遠赤道九十一度有奇為夏至所踰而

近北橫距亦二十三度九十分復從此漸而南
但非由故道及仲秋復交於赤道而去夏至所
躔亦九十一度有奇然非仲春之交乃其相對
之處過交出赤道南其去赤道乃九十一度有
奇為次年冬至復九度此周天歲終之說也夫
堯典日短星昴謂仲冬昏時昴宿見於午方也
昴見正南則日躔虛宿可知蓋正東為卯正西
為酉正南為午正北為子一日十二時而日歷

十二位乃定方也天以各經宿分十二次乃動
靜也動者無常位名天盤定者有常位名地盤
仲冬日在虛宿屬天盤子而酉時日在酉方則
天盤之子加地盤之酉子加酉則酉必加午昂
宿屬天盤酉故昏見於正南也又北斗有柄常
指天盤卯辰間冬至日躔虛宿則昏見時天盤
卯辰間加於地盤之子故世謂十一月斗柄為
建子然天旋一晝夜而周酉末戌初則指丑而

非子矣且冬至時日隨天盤寅以加地盤申酉
界其天盤卯辰之間寔加地盤之戌則斗柄又
指戌而不指子也蓋天體一時轉一位戌末亥
初乃指子但不可謂初昏子耳夫日躔既有歲
差則昏旦亦必有差唐虞初昏乃今戌末之時
其後仲冬日差在卯則斗柄夜半指子差在午
則平旦指子差在酉則日中方指子世謂閏月
斗柄指兩辰之間者非也夫唐虞之時仲冬日

在唐漢太初曆日冬至在牽牛之初而今授時
曆至元冬至日在箕九度二十二分十八秒斗
牛女虛危室壁北天七宿也三冬日躔之故曰
日在北陸箕屬寅而冬至日躔之冬至後乃始
躔斗則仲冬尚在東陸也以漢武較帝堯時已
差一二十度而當時唐都洛下閤但疑八百年
差一度何也晉虞喜不用天周歲終之術謂天
度與歲日數殊天自為天歲自為歲始以天體

為三百六十五度二十六分乃四分之三有餘
歲策為三百六十五日二十四分乃四分之三
不足一歲差二分五十年差一度宋何承天以
為歲大連改為百年差一度周天為三百六十
五度二十五分半周歲為三百六十五日二十
四分半隋劉焯又折衷之以七十五年差一度
唐一行又以八十三年差一度自從諸曆各各
不同宋曆多在七十五度左右統天曆謂周天

赤道三百六十五度二十五分七十五秒周歲
三百六十五日二十四分二十五秒百年差一
度半又謂上古歲策多後世歲策少故上古歲
差少後世歲差多也蓋三代以前未有歲差之
法晉宋而後雖立歲差尚未有定論李淳風猶
謂無差冬至日常經斗十度至一行而論始定
然其差數歲歲如一未有先加後減之法是故
上考往古百年加一秒下驗將來百年減一秒

其加減歲策親切之數非歲積久曷從知之授
時曆以赤道分三百六十五度二十五分七十
五秒而黃道止為三百六十五度二十五分六
十四秒相懸十一秒者以黃道一周同於歲策
三百六十五日二十四分二十五秒比周天尚
未足一分五十秒其一分五十秒不在瓜之腰
圖橫距赤道二十四度歛而狹之止廣一分三
十九秒以此一分三十九秒併入歲周故云黃

道二百六十五度二十五分六十四秒也黃道
維歲差冬夏二至日躔必在黃距赤道二十四
度然其差每歲不同歲差移一分餘斜絡於二
十八宿之間歲久皆其經行之道如捲紵絲為
團絲絲躔絡維重複參差而其周道則一而已
且唐虞時日躔冬至在子夏至在午春分在卯
秋分在酉今未四千年而冬至在寅夏至在申
春分二在巳亥計其歲差退四十五度則由

帝堯復萬餘年冬至日反躔午夏至日反躔子
春分在酉秋分在卯矣若復舊躔而冬至在子
夏至在午當在二三萬之間逆而推之帝堯之
前亦必如是矣

論日月盈縮

日月盈縮古法一晝夜月行十三度餘十九之
七然觀其所躔先後不同有差至四五度者後
漢劉洪始推究之知其疾行則十四度餘約四
之三遲行則止十二度有餘其間漸疾漸遲大
率二百四十八日盈縮九匝隋劉焯又推究日
行亦有盈縮自冬至行一度五分漸減一二分
至三四分以及赤道之交則正行一度從此復

漸減之極於夏至止行九十五分自夏至後其
行漸增所增與所減之數相似及冬至則復如
前蓋一日行一度有餘日疾不及一度曰遲以
增虧之數相補一日止為一度從冬至距春分
以行疾而積盈從春分距夏至以行遲而消其
積盈比之常度猶差前故冬至距夏至皆曰盈
既從夏至距秋分以行遲而積縮從秋分距冬
至以行疾而消其積縮比之常度猶差從故夏

至距冬至皆曰縮段然春分二日之前已交赤道則盈二度有餘秋分二日之後終交赤道則縮二度有餘故二分之際盈縮最多矣授時曆謂日在赤道之南行疾赤道之北行遲而後曆亦以春分距秋分行遲秋分距春分行疾要之月行遲疾盈縮之理亦然但度数不同耳授時曆謂每轉二十七日五十五分四十六秒月行三百六十八度三十七分四秒半乃盈縮之一

匝其間遲疾之數相補遂以十三度三十六分
八十七秒半為一周平行之度李淳風有推步
月孛法以六十二日行七度六十二年七周天
孛者彗星之屬光芒偏掃者為彗光芒四出者
為孛孛之所在月行最遲處與孛對衝則月行最
疾孛不常見則月行最遲處可以測之矣若夫
日躔十二次蓋因各次黃道縮度不等又日有
盈縮故或近或久不同且一歲分二十四氣名

曰常氣授時曆一氣為十五日二十一分八十
四秒三十八毫半則是以常氣為定不復增減
而舊曆則有增減之法月度縮而日度盈則定
朔在常朔後名曰朏月度盈而日度縮則定朔
常在朔前名曰晦若俱盈俱縮則對消而用有
餘數定弦定望亦如之蓋古者未曾推步日月
盈縮止以常朔弦望為定今朔與弦望既有常
定之名復有進退之法定朔在日沒以後若無

日食見其初虧者則進以次日為朔之月見於
晦之晨也定弦望在日出以前則退一日定望
在日出以後其望有食初虧在日出前者亦退
一日定望在十七雖日出後亦退一日為其太
遲也或望在十四上弦在初七下弦在二十二
則不可退退則太早也或望在十三上弦在初
六下弦在二十一非退而太早因進朔而然雖
皆不早其朔不進或朔進而大月連四日為其

過多朔亦不進也授時曆則不然當朔計二十九日五十三分五秒九十二毫當望半之當弦又半之是定而不進退矣但月食在夜半後雖屬次日亦只以當夜言望

論月行不由黃赤道

月行不由黃道亦不由赤道乃出入黃道之內外而有九行九行止是一道其道與黃道相交如赤道然然黃赤二道相遠處二十三度九十

分而月道距黃道遠六度二分而已其相交處
交之始強名曰羅喉交之中強名曰計都自交
始至交中月在黃道外名陽曆乃背羅向計之
處也自交中至交始月在黃道內名陰曆乃背
計向羅之處也月道猶水道日道猶陸道而羅
計橋道其歲歲改異則由日行歲差之故也且
所謂九行者陽曆在夏至日躔之南夏為南乃
南之南也名外未道陰曆在冬至日躔之北北

為內名內朱道在外而日朱道者冬至屬子若
冬至日躔伏於地盤子位則月在黃道之上凡
地以下為北上為南故曰內朱道乃北之北也
苟冬至日躔及在午位則內朱道亦在黃道之
北矣此不論及而論伏黑道之理亦然陰曆在
夏至日躔之北名內黑道夏為南乃南之北也
陽曆在冬至日躔之南名外黑道在南而曰黑
者月道在黃道之下凡地以上為南下為北故

雖南而曰黑冬為北乃北之北也月行朱道則
羅在日之春躔計在日之秋躔月行黑道則羅
在日之秋躔計在日之春躔陽曆在秋分日躔
之東名外青道乃東之東也陰曆在春分日經
之東名內青道乃南之東也陽曆在春分日躔
之西名外白道乃西之西也陰曆在秋分日躔
之西名內白道乃東之西也青白道不論反復
若天地卯酉互位者亦然月行青道則羅在日

之夏躔計在日之冬躔月行白道則羅在日之
冬躔計在日之夏躔是故以內外分別朱黑青
白為八道八道而曰九行者以八道之行交於
黃道而穿度其間故通以九言也八道變易不
常不可置於渾儀亦不可盡於星圖所可具者
黃赤二道耳欲別於黃故塗以赤赤道與八道
相交遠近朱道止十八度遠黑道至三十度遠
青白二道約二十四度遠授時曆謂月從黃道

之交出外一百八十一度八十九分六十七秒
則中交於黃道從此入黃道內復至交初則該
二百六十三度七十九分三十六秒乃月道之
一周計一十七日二十一分二十二秒二十四
毫與古曆數不同焉

論月體本無圓缺

月體本無圓缺如懸黑漆丸於簷下映日必有
光轉射暗壁其半邊映日故有光而半邊元暗
也過望與日躔度相對半邊之光全向於地普
照人間半邊之暗全向於天人不見也及漸
相近而側相映則向地之邊光漸少矣至晦朔
則與日同經日與天近月與日近其半邊之光
全向於天半邊之暗則向於地及漸相遠而側

相映則向地之邊光漸多矣故月體之光暗半
輪轉旋人目所不及因謂其有圓缺耳然其與
日對望為地所隔猶能受日之光者陰陽精氣
之潛通如吸鐵之石感霜之鍾莫或間之也月
明不全瑩而似瑕者如懸明鏡照水之處則瑩
映日之處則瑕世以為山河所印之景是也

論五緯距合

五緯距合以日月懸虛運轉不附於天五星亦然月雖因日而有晦朔弦望其遲速不因日若五星則因日而有遲留伏道矣近日則疾遠日則遲遲甚而留晉久而退初遲退漸疾退退最疾而後遲退如初退止而晉留天而順行却從最遲以至於最疾最疾則與日同躔也歲星最疾約四日行一度熒惑最疾約七日行五度填

星最疾約七日行一度此三星此日行度較少
故伏合以後日在前歲星距日十三度而晨見
熒惑距日十九度而晨見填星距日十八度半
而晨見晨見則在東方大約近一遠二而留周
天相半而退歲星初留約距日一百九度初退
約距日一百三十一度熒惑初留約距日一百
三十四度初退約距日一百四十四度填星初
留約距日九十四度初退約距日一百二十八

度凡退行最疾之時必與日對冲對止而留則
背距日如初退之度留久而順行則背距日如
初留之度日近與後躔漸久而行漸疾背近如
晨見距日度則伏而光不著矣與日未對冲之
先夜半後可望謂之晨段為日既對冲之後夜
半前可望謂之夕段太白辰星則不然太白最
疾約四日行五度有餘辰星最疾約一日行一
度有餘此兩星比日行度較多伏合以後則過

日而前太白距日十度半而夕見辰星距日十
六度而夕見夕見則在西方太白距日甚遠不
過四十五度辰星距日甚遠不過二十四度既
已甚遠則所行遲比日較少由是漸與日近太
白距日三十度有餘而初留辰星距日二十一
度半而初留太白留後距日二十四度有餘而
初退辰星留後距日十九度半而初退退行之
際與日相近如夕見之度伏而不著與日相遠

如夕見之度辰見於東退行最疾之時與日必
同度退止而留則距日如初退之度留久而順
行則距日如初留之度運行漸疾而漸近日距
日如退伏之度則又退而下者矣與日未退合
之先昏後可望謂之夕段與日既退合之後曉
前可望謂之晨段蓋金木形體大故伏見與日
近水火土形體小故伏見與日遠歲星八十三
年而七周天與日合度者七十六合期約三百

九十九日熒惑七十九年而四十二周天與日
合度者三十七合期約七百八十日真星五十
九年而二周天與日合度者五十七合期約三
百七十八日太白辰星與日常相近隨日一年
一周天太白八年而五合於日退合者又五約
五百八十四日而順逆兩合辰星四十六年之
間合於日者一百四十五退合亦然約一百一
十六日而順逆兩合此乃五緯之常數也古法

唯知有常度未知有變數之加減北齊張子信
仰觀歲久知五緯有盈縮之變當加減常數以
求其逐日之躔蓋五緯不由黃道亦不由月之
九道而出入黃道內外各自有其道視日遠近
為遲疾如足力之有勤倦其變數之加減如里
路之徑直斜曲之歲星加減最多處約七度熒
惑加減最多處二十五度有餘填星加減最多
處八度有餘太白加減最多處四度有餘辰星

加減最多處六度有餘此乃五緯盈縮之變也
數若夫羅喉計都月孛紫炁則其行均平無有
遲疾羅喉計都從月交黃道求之月交之終始
誤三百六十三度七十九分三十四秒歷二十
七日二十一分二十二秒二十四毫羅計於其
間各逆行一度四十六分三十秒其數併月行
交終之度即黃道周天之度凡十八年有餘而
周天交初復在舊經矣月孛從月之盈縮而求

盈縮一轉該二十七日五十五分四十六秒月
行三百六十八度三十七分四秒半孛行三度
十一分四十秒半黃道周天之度併孛行數即
月行數也凡六十二年而七周天月行最遲之
處與之同經矣紫炁起於閏法約二十八年
而周天授時曆以一十日八十七分五十三秒
八十四毫為一歲之閏紫炁則一歲行十三度
五分四秒六十毫八十芒兩數比之乃加二之

箕二十八年十閏紫炁行十二宮亦加二之箕
也舊云紫炁即景星罕聞其見史記注云景星
狀如半月生於晦朔朏月為明見則人君有德
明盛之慶也五緯與月孛紫炁皆以差旋步之
羅喉計都逆行乃有旋步之設十一曜不附天
而空轉則右轉者亦皆左旋其番者一日繞地
一周與天同過一度行疾者反為遲行遲者反
為疾退者反為疾之甚矣蓋順行而遲疾者皆

一日繞地一周以不及天行之數為所行度退行者乃一日繞地一周多退天行之數退遲者先天不甚多退疾則愈多也以物喻之日月猶魚也魚行江河不着其底必憑江河之水以行或逆或順各任其情日月雖懸虛不附於天意其必憑天之氣以行五緯之行亦猶是也夫在天成象日月星辰皆象也而日月五星獨異於衆星自有行度者此陰陽五行之精可以為造

化之妙非衆星之比也日月五星體性不齊故
遲疾有異亦當以陰陽五行別之也

論日至之景

日至之景以天暑則日高而近北天寒則日低而近南立表木以測其景日在中天表景最短東西出沒之時表景追長以四時驗之中晝之景漸長漸短逐日有不同於是以中晝表景極短之日為夏至以中晝表景極長之日為冬至其所以短者由日北近而高所以長者由日近南而低也日高而行天必久而晝長晝長則陽

氣積多而暑矣日低而行天不久而晝短晝短
則陰氣積多而寒矣寒暑之變驗日景之長短
可知也

論晝夜長短

晝夜長短以冬至日躔距赤道二十四度立冬與立春所距亦相近是時黃道橫而平近南極也立夏至立秋黃道橫平而近北極亦然蓋冬夏之日經東西移差多南北移差少春秋則黃道斜倚於南北雖東西行而南北差速於冬夏故春秋六七日間增減晝夜一刻而二至前後其晝夜長短增減一刻相去二十餘日矣是故

冬夏增減之日遲春秋增減之日速日數未始
均平也舊云日未出二刻半天先明日已入二
刻半天方昏然此五刻不可以衆星出沒論但
日始出為晝入則為夜也

論氣積寒暑

氣積寒暑以夏至晝最長日最近北午中也冬至晝最短日最近南子中也然大暑乃在六月為未中大寒乃在十二月為丑中猶晝夜間未時熱甚於午丑時寒過於子也譬如飢之蒸也竈火甚矣可比午中而蒸氣猶未盛及其氣盛則灶火已稍衰矣竈火盡滅可比子中而蒸氣又良久然後衰也驗諸寒暑之氣豈非積久致

之乎

論晝夜百刻

晝夜十二時均分百刻一時有八大刻二小刻
大刻摠九十六小刻摠二十四小刻六准大刻
一故此為百刻之上半時之大四刻四始曰初
初次初一次初二次初三最後小刻為初四下
半時之大刻亦四始曰正初次正一次正二次
正三最後小刻為正四若子時則上半時在夜
半前屬昨日下午半時在夜半後屬今日亦猶冬

至得十一月中氣一陽來復為天道之初耳古曆每時以二小刻為始乃各繼以四大刻然不若今曆之便於籌策也世謂子午卯酉各九刻餘皆八刻者非是

愚謂今曆雖便於籌策而亦失其名寔宜改其刻名曰初一初二初三初四而繼之以初末正一正二正三正四而繼之以正末則籌策既便而名得其寔矣

論積年日法

積年日法曆家逆考往古冬至歲月日時各紀
甲子兩曜交會五星連珠必推其聚於子正玄
枵之中者名曰上元乃履端於始也從上元而
下至當時測驗與籌策相應乃取正於中也又
順推以後求其餘分皆盡總會如初乃歸餘於
終也一日百刻亦曰百分一分又為百秒求其
積年總會雖以百分萬秒細作各項籌策亦不

能齊是以日法立焉古者以九百四十為日法
始於至朔同在甲子夜半復會如初名曰一元
積年止四千五百六十而已後世推步知十九
年七閏尚有餘數兼歛入政皆齊是以履端歸
餘之美非積年數千萬不可諸曆各立日法或
以八十一或作三千四十或作九千七百四十
其數多寡不定惟所謂歲元曆者但以推步定
數為則不復逆考順推以求其齊至元辛巳改

授時曆寔用其術而積年日法在所不取

論曆法改革

曆法改革以一陽生於子節交冬至已屬次年亦猶夜半以後即屬次日然人事一日如於寅時一年始於建寅之月為正子丑二月雖屬次年而紀曆則猶在舊歲如月食於夜半後雖屬曉猶以夜言之也三統謂夏正建寅商正建丑周正建子商周雖以子丑為頒朔授時之首而

月數未嘗改也。至於曆法則因氣朔有差，必隨時而改革。周衰之末，司天失職，漢本初曆粗為可取，固未密也。唐大衍曆當時以為密矣，自今觀之，尚為甚疎。自古及今，凡更六十餘曆，蓋歲必有差，久而積差漸多，故為曆者必隨時測驗，以求天數之真，不得不改也。

論氣朔減沒

氣朔減沒唐一行以前減沒之術不同今授時曆蓋做一行法之沒用氣盈而推減用朔虛而求所謂沒者期內三百六十五日二十四分二十五秒均為二十四氣每氣均為三候每候均為五段一期為三百六十段每段為一日一分四十五秒六十二毫半如以冬至為第一段則小寒為第十六段餘以類推其段日日有之凡

兩段跨三日先一日九十九刻左右後一日一
刻左右二段之間雖止一日一分四十餘秒但
一日整居其間而餘數跨在前後二日首尾故
曰跨三日若一日之段在九十八刻五十四秒
三十七毫半以後者為沒沒之次日必無其段
無段之日其先一日必為沒矣所謂滅者每朔
二十九日五十三分五秒九十三毫常朔之日
辰為第一段常望為第十六段餘以類推其段

亦日日有之或其日之段在九十八刻四十三
秒五十三毫一十芒以後為減若一日內凡刻
分極少是夜半後刻分極多是夜半前夜半前
是一日極終處沒減乃已極之義故選日者或
忌之

論天地正中

天地正中蓋物遠視則微近視則大當午之日
如盤盂出沒之日如車輪豈非午日為遠耶或

疑午日熱為近殊不知日久照則熱不可以遠
近論也至於星度高升則密低垂則疎則天頂
遠而四傍近固可知矣且天體圓如彈丸圓體
中心六合之的也周圍上下相距正等名曰天
中逆天中直上至天頂名嵩高地平不當天半
地上天多地下天少從地平之中直上自有天
中之所或以為地平正當天半者蓋以周天三
百六十五度餘四之一仰視為一半星宿周度

可見故以地中就為天中而今以地中直上自
有天中之所者以日月之近大而遠小星度之
高密而低疎知之也然地平既在天半之下而
仰觀止見周度之半者天遠似乎低地平與之
相妨人目不可盡見也古法以五表求地中以
今思之惟用一表其表與人齊高當午日中畫
其短景於地以為指北準繩置窺筒於表首隨
準繩以窺北極若見北極當筒心則其處為得

東西之正窺見北極之東則其地偏東窺見北
極之西則其地偏西矣既得東西之正乃於二
分之前十日內就其處置壺漏定十二時以兩
日年中短景求與時參合於春分前二日或秋
分後二日日正當赤道之際於卯酉之中刻視
其表景畫地以定東西準繩若卯酉兩景相直
而不偏平衡成一字則南北正中矣兩景或曲
而向南則其地偏西或曲而向北則其地向北

矣此法蓋以午景與地極定東西之偏正又以東西之景定南北之偏正則驗之最精而最密者也

論地域遠近

地域遠近古者以陽城為地中然非四海之中乃天頂之下以為地中也論四海之中乃天竺以東崑崙以西也天下之地多在地中以西地中之東則皆海也若據天之所覆通地與海而

言中則中於陽城矣陽極城仰觀北極出地三十六度南極入地亦三十六度北至朔方則北極出地四五十度南極入地亦然而至錢唐則出入之度三十一又南至交廣則出入之度一十而已天地之遠近非惟觀仰不同而寒暑晝後表景亦皆差別舊曆晝永極於六十刻晝短極於四十刻今授時曆以驗於燕地稍偏地故其永至六十二刻短至三十八刻蓋偏南則長

短較少偏北則所較漸多夏日出寅入戌其地
近北冬日出辰入申其地近南日近北則晝
長而北方猶長夏夜短而北方猶短日近南則
冬夜長而北方猶長冬晝短而北方猶短而南
方之晝夜長短則不較多也古者立八尺之表
驗日景短長地中夏至午景在表北約一尺六
寸地中冬至午景在表北約一丈三尺南至交
廣北至鐵勒等處驗之景各不同然非特測之

南北亦驗之東西帝堯分命羲和之官宅於四方是也然表用八尺似失之短今至元辛巳用表四丈允為定法是故表短則景短差數難覺表長則景長差數易明而一寸千里之差終未足授后土主者雖古有其制然陽城地中已不無差若即八方偏地驗之寔有不可准者大抵偏東者早景疾而晚景遲午景先至偏西者早景遲而晚景疾午景後期偏北者少其晝而景

遲偏南者多其晝而景疾蠻粵短景指南而子
午反復則又舛訛甚矣

天極未判論

天極未判天地人三才函於其中謂也混沌云
者言天地人渾然而未分也太極既判輕清者
為天重濁者為地清濁混者為人輕清者氣也
重濁者形也形氣合者人也故其氣之發見於
天者皆太極中自然之理運而為日月分而為

五星列而為二十八人會為斗極莫不皆有常
理與人道相應可以理而知也今略舉其梗槩
列之下天體圓地體方圓者動方者靜天包地
地依天天體周圍皆三百六十五度四分度之
一徑一百二十二度四分度之三凡一度為百
分四分度之一即百分中之二十五分也四分
度之三即百分中七十五分也大五旋東出也
上西入地百動而不息一晝一夜行三百六十

六度四分度之一地體徑二十四度者其厚平
之勢傾東南其西北之高不過一度卽雍謂水
火土石合而為地合所謂徑二十四度乃土五
之體直土百之外水接於天皆為地體地之徑
亦得一百二十一度四分會之三也為極南北
下下樞是也北高而南下自地上觀之北極出
地上三十五度有餘南極入地下亦三十五度
有餘兩極之中皆去九十一度三分度之一謂

之赤道橫路天腹以紀二十八宿相距之度大
抵日極正居南北之中是為天心中氣存焉其
動有常不疾不徐晝夜循環幹旋天運自東而
西分為四時寒暑所以平陰陽所以和此後天
之太極也先天之太極造天地於無形後天之
太極運天地於有形三才妙用盡在是矣日太
陽之精主生養恩德人君之象也人君有道則
日五色失道則日露其惡謹告人主而儆戒之

如史志所載日有食之日中烏見日中黑子日
色赤日無光或變為孛星夜見中天光芒四溢
之類是也日體徑一度半自西而東一日行一
度一日一周天所行之路謂之黃道與赤道相
交半出赤道外半入赤道內冬至之日黃道出
赤道外二十四度去北極最遠日出辰日入申
故時寒晝短而夜長夏至之日黃道入赤道內
二十四度去北極最近日出寅日入戌故時暑

晝長而夜短春分秋分黃道與赤道相交當兩
極之中日出卯日入酉故時和而晝夜均焉月
太陰之精主刑罰威權大臣之象大臣有德能
盡輔相之道則月行常度或大臣擅權貴戚宦
官用事則月露其慝而變異生焉如所志所載
月有食之月掩五星五星入月月光晝見或變
為彗星陵犯紫宮侵掃列舍之類是也月體徑
一度半一日行十三度百分度之二十七二十

七日有餘一周天所行之路謂之白道與黃道
相交半入黃道內半出黃道外出入不過六度
如黃道出入赤道一十四度也陽精猶火陰精
猶水火則有光水則會影故月光出於日之所
照魄生子日之所不照當日則光明就日則光
盡與日同度謂之朔近一遠三謂之弦術分失
中謂之望光盡體伏謂之晦月行於白道與黃
道正交之處在朔則日食在望則月食日食者

月體掩其光也月食者月入暗虛不受日光也
經星三垣二十八舍中外官星是也計二百八
十三官一千五百六十五星其星不動三垣紫
微垣太微垣天市垣也二十八宿東方也宿角
亢氏房心尾箕為蒼龍之體北方也宿斗牛女
虛危室壁為靈龜之體西方也宿奎婁胃昂畢
觜參為白虎之體南方也宿井鬼柳星張翼軫
為朱雀之體中外官星在朝象官如三台諸侯

九卿騎官羽林之類是也在野象初如鷄狗狼
龜魚鼈之類是也其餘因義制名則可知其義
也徑星皆守常位隨天運轉譬如百官萬民各
守其職業而聽命於七政七政之行至於所居
之次或有進退不常變異失序則災祥之應如
影響然可得而知也緯星五行之精水曰歲星
火曰熒惑土曰填星金曰太白水曰辰星并日
月而言謂之七政皆慶於天天行速七政行遲

遲為速所帶故與天俱東出西入也五星輔佐
日月幹旋五氣如六官分職而治號令天下利
害安危由斯而出至治之世人事有常則各守
其常度而行其或君侵臣職臣專君權政令錯
謬風教陵遲乖氣所感則變外多端非復常理
如史志所載熒惑入於匏瓜一夕不見匏瓜在
黃道北三十餘度或勾已而行光芒震耀如玉
斗器太白或犯狼星狼星在黃道南四十餘度

或晝見經天與日爭明甚者變為妖星歲星之
精變而為挽搶熒惑之精變而為蚩尤旗填星
之精變而為天賊太白之精變而為天狗辰星
之精變而為枉矢之類如日之精變而為孛月
之精變而為彗政教失於此變異見於彼故為
政者尤謹候焉天漢四瀆之精也起於鶉火經
於西方之宿而過北方主於箕尾而入地下二
十四氣本一氣也以一歲言之則一氣耳以四

時言之則一氣分為四氣以十二月而言之則一氣而為六氣故六陰六陽為十二氣又於六陰六陽之中每一氣分為初終則又裂而為二十四氣二十四氣之中每一氣有三應故又分而為三候是為七十二候原其本始是一氣耳自一而為四自四而為十二自十二而為二十四自二十四而為七十二皆一氣之節也十二辰乃十二月斗綱所指之地也斗綱所指之辰

即一月之氣所在正月指寅二月指卯三月指
辰四月指巳五月指午六月指未七月指申八
月指酉九月指戌十月指亥十一月指子十二
月指丑謂之月建天之元氣無形可見觀斗綱
所建之辰即可知矣斗有七星第一曰魁第五
曰衡第七星曰杓此三星謂之斗綱假如建寅
之月昏則杓指寅夜則衡指寅平旦魁指寅他
月倣此十二月次乃十日月所會之處凡日月

一歲十二會故有十二次建子之月次名元枵
建丑之月次名星紀建寅之月次名析木建卯
之月次名大火建辰之月次名壽星建巳之月
名次鶉尾建午之月次名鶉火建未之月次名
鶉首建申之月次名實沈建酉之月次名大梁
建戌之月次名降婁建亥之月次名閼訕十二
月分野即辰次所臨之地在天為十二辰十二
次在地為十二國十二州凡日月之交食星辰

之變異所以脫分野占之或吉或凶各有當之
者矣